



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Capvt XV. Alexand. III. (a) Januensi Episcopo.

---

[urn:nbn:de:hbz:466:1-74526](https://nbn-resolving.org/urn:nbn:de:hbz:466:1-74526)



mare Oceanum, ut refert Pappirus Mafon. *in de-  
fcript. Callia per flumina, fol. 553.* Prima provin-  
cia Aquitania, Burdegala est, ita dicta, ut ait  
D. Iſidorus *lib. 18. etymol.* quod Burgos Gallos  
primum colonos habuerit: plura de ejus ſitu, &  
antiquitate tradit Chenu *in chron. fol. 411.* habet  
Eccleſiam Cathedralem dicatam ſancto Andree,  
de cujus Primatu egi *in cap. final. de majorit. &  
obed.* Gaufrido, ſeu Geufrido ejus Præſuli miſſa  
eſt præſens decifio.

(b) *Archidiaconus.* ] Juxta conſuetudinem Gal-  
lie in præſenti relatam, & jam notavi *in cap.  
tua 8. de cleric. non reſid.*

2. (c) *Regulariter.* ] Olim enim in utraque Eccleſia  
Metropolitana, Burdegalenſi videlicet, & To-  
loſana, canonici vitam regularem profiteban-  
tur, juxta regulam D. Auguſtini. De Burdega-  
lenſi ita ex Vicentio, & Antonio *in vita Caroli*

*Mag., cap. 29.* refert: *Beatum namque Rolan-  
dum ſuper diuamula, ſapeto aureo ſubveſtimu,  
palis lectum, uſque ad Blavium Carolus deſerri  
fecit, & in Beati Romani Baſilica, quam olim ipſe  
ædificaverat, Canonicoſque regulares intromiſerat,  
honorifice ſepelivit.* Quæ verba de ipſa Eccleſia  
Burdegal. exponit Pennotus *lib. 2. hiſtor. canonic.  
regul. cap. 33. n. 11.* Tolofanam Eccleſiam etiam  
utque ad annum 1500. Canonicoꝝ regularium  
fuiſſe liquet *ex cap. in cauſis, de elect. & ex chron.  
Toloſan. ubi legitur, quod Carolus Magnus circa  
annum 890. in medio civitatis poſuit monaſte-  
rium, conſtituens ibi ſedam Archiepiſcopalem:*  
refert Pennotus *d. cap. 33. num. 20.* Unde Archidia-  
conus, de quo in præſenti, in utraque Eccleſia  
viram regularem fecerat, profeſſus que erat. Com-  
mentarium hujus textus dabimus infra *in cap.  
de multa.*

## CAPVT XV.

Alexand. III. (a) Januensi Episcopo

CUM non ignores, quod una Eccleſia (b) unius debeat eſſe ſacerdotis, mirabile geri-  
mus, & indignum, ſi uni perſonæ locum in pluribus Eccleſiis velis concedere,  
& in Episcopatu tuo inducere conſuetudinem (c) Gallicanæ Eccleſiæ, quæ cum unum  
ad plura recipiat beneficia, contra ſacrorum canonum inſtituta, non comprobatur à  
nobis, licet non poſſit (d) præ multitudine delinquentium emendari. Cum igitur nun-  
tius illius præſbyteri, qui in duabus Eccleſiis locum habere conatur, & quidam cle-  
rici Eccleſiæ ſancti G. de Raballo, in qua locum ſe habere dicebant, ad præſentiam  
noſtram acceſſerint: nos attendes non eſſe conveniens, vel honeſtum, ut idem  
preſbyter locum in duabus Eccleſiis habeat, volumus, & mandamus, quatenus illo  
beneficio, quod habet, faciatis eum manere contentum. Quod ſi forte Archipreſby-  
ter, & clerici alterius Eccleſiæ in eum conſenſerint, eis nunc diſſidentibus, cum ipſo-  
rum ſcandalo non debeat locum in ipſa Eccleſia, vel quærere, vel habere.

## NOTÆ.

1. (a) *Januensi.* ] *Januensi,* legitur in ſecunda col-  
lectione, *ſub hoc tit. cap. 1.* Sed idem eſſe Ja-  
nuam, ac Genuam, jam ſuprà notavi *in c. 21. de  
elect.* ubi nonnulla de hac Eccleſia congeſſi.
2. (b) *Unius debet.* ] Ita ut nec plures ad eam  
eligi debeant, juxta adducta *in cap. majoribus,  
hoc tit.* nec unus ad plures, ut in hoc textu do-  
cetur.
3. (c) *Gallicana.* ] Ut notavi *in cap. antecedenti.*  
(d) *Præ multitudine.* ] Eſt enim tam tituta,  
quàm certum, mitius agendum eſſe cum multi-  
tudo deliquit, aliquidque ſeveritati detrahen-  
dum, cum non hujus, aut illius periculum,  
ſed multorum jacet ſtrages; magisque tunc mo-  
nendo, ac minando, quàm puniendo agi debe-  
re, ut ex Sanctis Patribus probat Gratianus  
*in cap. conſtineretur, 50. diſtinct. cap. ordina-  
tiones, cum ſequent. 13. queſt. 4.* & pluribus ra-  
tionibus adſtruit Farinacius, & Tiraquel. *de  
pœnis temper. cauſa 47.* adducentes verſum illum:

*Per populum multum crimen pertransit in-  
ultum.*

Cui convenit Seneca *lib. 2. de ira, cap. 10. ibi:*  
*In ſingulos ſeveritas Imperatoris diſtinguitur; ac  
neceſſaria venia eſt, ubi totus deſeruit exercitus: nam  
licet non tollat culpam, nec iram ſipientis turba pec-  
cantium; intelligit tamen quàm iniquum ſit, & pe-  
riculoſum irasci publico vitio.* Sic etiam Scipio  
Africanus ſeditione inter milites orã, in eos  
tantùm, à quibus initium tumultus cœperat,  
animadvertendum cenſuit, dicens, ita fieri poſſe,  
ut pœna ad paucos, exemplum ad multos per-  
veniret: referente Plutarcho *in Scipione.* Illuſtrat  
D. Joannes Solorzanus *embl. 75. in fine.* Sed ſi  
multitudo in ſuo ſcelere perſeveret, aut deli-  
ctum commiſſum ſædiſſimum, graviffimumque  
ſit, tunc totam quoque puniri poſſe, & deleri ſo-  
lere, conſtat ex generali Sodomorum punitione,  
& illa, quam Moyses propter peccatum idolola-  
triæ in viginti duo millia hominum fecit. Com-  
mentarium hujus textus reperies *in cap. de multa,  
hoc tit.*

CAPUT